



Aningaasaqarnermut Nunamullu Namminermt
Naalakkersuisoq

Ulloq: 30-06-2021
J.nr.: 01.31.06/21-00941

Aningaasaqarnermut Akileraartarnermullu Ataatsimiititaliap pingasunngornermi ulloq 30. juni 2021-mi aalajangenera pillugu Naalakkersuisunut ilisimatitsissut

COVID 19-mut ikiorsiissutit sivitsorneqarnissaanut aammalu takornariartitsinermik inuussutissarsiuteqartunut aallartisaqqinniarnermut ikiorsiissutit. Ataatsimiititaliap suliaa nr. 01.31.06/21-00941

”Naalakkersuisut **inassutigaat.**

- Takornariartitsinermik inuussutissarsiuteqartunut ajutoornermi ikiorsiissutit, inuutissarsiornermi ikiorsiissutit aammalu inuutissarsiortut ingerlatassaannut ikiorsiissutit 1. juli-miit 31. oktober-ip tungaanut ingerlaannarnissaat
- inuussutissarsiortut kode-at *47.78.30 Tammaviutsunik sanalukkanillu tuniniaasartut* aammalu inuutissarsiortut kode-at *71.12.40 Aatsitassarsiornermi misissuinernut aammalu pilersaarusiornermut, nunamik uuttuinermt il.il.* 1. juli-miit ikiorsiissutinut ilanngunneqarnissaat
- ajutoornermi ikiorsiissutini qaammammut annerpaamik 750.000,- dkr-nik 1. juli 2021-miit 31. august ilanngullugu pissarsisoqarsinnaasoq, 1. september-imiit 30. september-ip tungaanut annerpaamik 500.000 dkr-nik pissarsisoqarsinnaasoq kiisalu 1. oktober-imiit 31. oktober-ip tungaanut annerpaamik 300.000,- dkr-nik pissarsisoqarsinnaassalluni
- 1. november 2021-imiit 31. december 2021 tungaanut aallarnisaqqinniarnermut ikiorsiissutit atuutinneqarnissaat taakkunungalu najoqqutassat ilanngullugit. Takornarialerinermt inuutissarsiuteqarnermt ajutoornermi ikiorsiissutit aammalu aallartisaanermut tapiissuteqarnerit imiarisamikku assigiipput taamaattorli qaammammut annerpaamik 100.000,- dkr-nit tikillugit pissarsisoqarsinnaalluni
- Nunanut Allanut, Inuussutissarsiornermt, Niuernermut, Silallu Pissusaanut Naalakkersuisoq takornariartitsinermik inuussutissarsiuteqartunut aallartisaqqinniarnermut ikiorsiissutinut malittarisassani allassimasunik aaqqiissuteqarsinnaassasoq.”

Aningaasaqarnermut Ataatsimiititaliap oqaaseqaatai

Aallarniutigalugu ataatsimiititaliamit oqaatigineqassaaq suliaq ataatsimiititaliap suliarinninnissaa nalunaaquttap akunneri 24-t ataallugit sioqqullugu ataatsimiititaliamit tiguneqarmat. Taamatutaaq

ikiorsiissutitut malittarisassat ataatsimiititaliap ataatsimiinnissaa minutsinik 30-nik sioqqullugu ataatsimiititaliamit tiguneqarput.

Ilassutitut aningaasaliissutissanut qinnuteqaatit Naalackersuisunit tiguneqartut sukumiisumik misissortarnissaat ataatsimiititaliamit pingaartinneqartuaannarpoq. Ataatsimiititaliap atortussanik piffissaalluartillugu tiguisarnissaa tamatumunnga piumasaqaataavoq, taamaalilluni pisariaqanngikkaluamik tuaviupilunnani sulianik oqallisiginninnissamut ataatsimiititaliaq periarfissinneqarluni. Inuiaqatigiit aningaasaataasa pitsaasumik sapinngisamillu annerpaamik iluaquusiillutik atorneqarnissaat ataatsimiititaliamit kissaatigineqarpoq.

Qulaani allassimasut tunngavigalugit Naalackersuisunit inassuteqaatit marluk akuersissutigineqannginnissaat ataatsimiititaliamit aalajangerneqarpoq.

Atortussat aallarteqqinnissamut ikiorsiissutitut tunngasut taakkunungalu malittarisassat pisariaqartinneqartut sukumiitigisumik misissornissaat ataatsimiititaliamit periarfissaqarfigineqarsimangilaq. Ikiorsiissutit atuuttut Naalackersuisunit namminernit aalajangerneqartumik juulip aallaqqaataani atorunnaartussaasut Naalackersuisunit ilisimaneqarmat pisariaqartitsineq siumut naatsorsuutigineqareersimasinnaasariaqaralarpoq. Tamanna akuersaarneqarsinnaangilaq, siumullu isigisumik iluarsiivigineqarnissaa ataatsimiititaliamit piumasarineqarpoq. Taamatutaaq sooq suliassap taamak kingusitsigisukkut nassiunneqarsimanera pillugu itisiliisoqarnissaa Aningaasaqarnermut Ataatsimiititaliamit kissaatigineqarpoq.

Tamatuma saniatigut ataatsimiititaliamit maluginiarneqarpoq isummernissamut tunngavissiamik atsiorsimasoq tassaamat Aningaasaqarnermut Nunamullu Namminermut Naalackersuisoq. Taassuma suliai pillugit ataatsimiititaliaq uparuaatissaqanngilaq, taamaattorli sooq

Inuussutissarsiornermut, Niuernermut, Nunanut Allanut Silallu Pissusaata Allangoriartorneranut Naalackersuisup suliassaqarfimmut Naalackersuisuusup isummernissamut tunngavissumami atsiogataasimanginnerata akissutisinissaa maqaasillugu? Aammattaaq isummernissamut tunngavissiami allassimavoq Inuussutissarsiornermut, Niuernermut, Nunanut Allanut Silallu Pissusaata Allangoriartorneranut Naalackersuisoq ikiorsiissutitik assigiinngitsunik aqutsiviginittuusussaasoq.

Inassuteqaatinut tunngavissiamullu nassiunneqartumut tunngatillugu Aningaasaqarnermut Ataatsimiititaliamit maluginiarneqarpoq, inassuteqaatini killiliussat taavalu isummernissamut tunngavissiami killiliussat imminnut naapertuutinningsut. Soorluttaaq kalaallisuunngortinneqarnerata danskisuunngortinneqarneratalu akornanni naapertuutinningsitsoqartoq. Isummernissamut tunngavissiap inassuteqaatit kalaallisuunngortitsinerlu assignagit ima killiliisoqarsimavoq: danskisuunngortinneqarnerani killiliinerit imaapput:

”For akutpakken gælder indføres nedtrapningsintervallerne anbefalet af GE:

Juli-august: 750.000 kr.

September-oktober: 500.000 kr.

November-december: 300.000 kr.”

Kalaallisuunngortinneqarnerani ima allassimasoqarluni:

”ajortoormi ikiorsiissutit GE-p siunnersuutigisai malillugit annikillisikkiartuaarneqassasut:

Juuli – agusti 750.000 kr.

Septembari 500.000 kr.

Oktobari 300.000 kr

November – December 100.000 kr”

Inassuteqaatit tamatigut tassaasarmata isummerfissat ataatsimiititaliamit oqaatigineqassaaq. Taamaammat inassuteqaatit tunngavissiallu danskisuunngortinneqarnerata akornanni naapertuutinnitsoqarnera ataatsimiititaliamit isornartorsiorneqassaaq.

Aningaasaqarnermut Ataatsimiititaliamit aamma takornarialerineri inuussutissarsiortut COVID-19-ip maanna ajornartoortitsinerani ikiorserneqarnissaat pingaartinneqarpoq. Taamaammat aningaasaqarnikkut tapiissuteqarnissaq aamma piumassuseqarfigineqarpoq.

Aningaasaqarnermut Ataatsimiititaliap aalajangiinera

Aningaasaqarnermut Ataatsimiititaliap siuliani allassimaneratut apeqquteqarluni oqaaseqaateqarlunilu Naalakkersuisunit inassuteqaatit uku **akuesissutigai**:

- Takornariartitsineramik inuussutissarsiuteqartunut ajutoornermi ikiorsissutit, inuutissarsiortut ikiorsiissutit aammalu inuutissarsiortut ingerlatassaannut ikiorsiissutit 1. juli-miit 31. oktober-ip tungaanut ingerlaannarnissaat
- inuussutissarsiortut kode-at 47.78.30 Tammaviutsunik sanalukkanillu tuniniaasartut aammalu inuutissarsiortut kode-at 71.12.40 *Aatsitassarsiortut misissuinerit aammalu pilersaarusiornermut, nunamik uuttuinerit il.il.* 1. juli-miit ikiorsiissutit ilanngunneqarnissaat
- ajutoornermi ikiorsiissutit qaammammut annerpaamik 750.000,- dkr-nik 1. juli 2021-miit 31. august ilanngullugu pissarsisoqarsinnaasoq, 1. september-imiit 30. september-ip tungaanut annerpaamik 500.000 dkr-nik pissarsisoqarsinnaasoq kiisalu 1. oktober-imiit 31. oktober-ip tungaanut annerpaamik 300.000,- dkr-nik pissarsisoqarsinnaassalluni

Aningaasaqarnermut Ataatsimiititaliap siuliani allassimaneratut apeqquteqarluni oqaaseqaateqarlunilu Naalakkersuisunit inassuteqaatit uku **itigartitsissutigai**:

- 1. november 2021-imiit 31. december 2021 tungaanut aallarnisaqqinniarnermut ikiorsiissutit atuutinneqarnissaat taakkunungalugu najoqqutassat ilanngullugit. Takornarialerineri inuutissarsiuteqarnermut ajutoornermi ikiorsiissutit aammalu aallartisaanermut tapiissuteqarnerit imiarisamikkut assigiipput taamaattorli qaammammut annerpaamik 100.000,- dkr-nit tikillugit pissarsisoqarsinnaalluni
- Nunanut Allanut, Inuussutissarsiortut, Niuernermut, Silallu Pissusaanut Naalakkersuisoq takornariartitsineramik inuussutissarsiuteqartunut aallartisaqqinniarnermut ikiorsiissutit malittarisassani allassimasunik aaqqiissuteqarsinnaassasoq.”

Taamaattorli inassuteqaatit akuersissutigineqanngitsut Aningaasaqarnermut Ataatsimiititaliap ulloq 4. augustimi ataatsimiinnermini oqaluusereqqikkumavai. Tamatumuuna Naalakkersuisut

inassuteqaatinik nutaanik oqaluuserisassanngortitsillutik nassiussaqaassapput, kingusinnerpaamik nassiussinissamut sapaatip akunneranik ataatsimik killiliisoqarluni.

Ataatsimiititaliaq sinnerlugu



Paneeraq Olsen

Aningaasaqarnermut Akileraartarnermullu Ataatsimiititaliami Siulittaasoq